

ሰብከት፡ ናይ ዓመት

ናይ ሓዲሽ ዓመት

1.

**ወትባርክ ኣክሊለ ዓመተ ምሕረትከ፡
ወይጸግቡ ጠላተ ገዳም፡
ወይረውዩ ኣድባረ በድው።**

መዝ. ፳፬

2.

**ሣህል ወርቅቶ ተራከባ፡
ጽድቅ ወሰላም ተሳዓማ፡
ርቅቶሰ እምድር ሠረፀት።**

መዝ. ፹፬

3.

**ምድርኒ ትሁብ ፍሬሃ፡
ወይባርክን እግዚአብሔር ኣምላክከ፡
ወይባርክን እግዚአብሔር።**

መዝ. ፳፮

4.

**ወኣፅንዖ እግዚአ ለዝንቱ ዘሠራዕከ ለነ፡
ውሱተ ጽርሕከ ዘኢየሩሳሌም፡
ለከ ያመጽኡ ነገሥት ኣምኃ።**

መዝ. ፳፯

ዘመስቀል

5.

ወወሃብኩሙ ትእምርተ ለእለ ይፈርሁከ።
ከመ ያምሥጡ እምገጸ ቅስት።
ወይድኃኑ ፍቁራኒከ።

መዝ. ፶፱

6.

ወረከብናሁ ውስተ አመ ገዳም።
ንበውእ እንከሰ ውስተ አብያቲሁ ለእግዚአብሔር።
ወንሰግድ ውስተ መካን ኅበ ቆመ እግረ እግዚእነ።

መዝ. ፻፴፩

7.

እግዚአብሔርሰ ንጉሥ ውእቱ እምቅድመ ዓለም።
ወገብረ መድኃኒተ በማእከለ ምድር።
አንተ አፅናዕካ ለባሕር በኃይልከ።

መዝ. ፸፫

ዘበነ ጽጌ

8.

አንተ ፈጠርክ ፀሐየ ወወርኝ፤
ወአንተ ገበርክ አድባረ ወምድረ ኩሎ፤
ክረምተ ወሓጋየ ዘአንተ ፈጠርክ።

መዝ. ፸፫

9.

ፍሬ ፃማክ ተሴሰይ፤
ብፁዕ አንተ ወሠናይ ለክ፤
ብእሲትክ ከመ ወይን ሥሙር ውስተ ጽርሓ ቤትክ።

መዝ. ፻፳፯

10.

ተዘከር እግዚአ ከመ መሬት ንሕነ፤
ሰብእሰ ከመ ሣዕር መዋዕሊሁ፤
ወከመ ጽጌ ገዳም ከማሁ ይፈሪ።

መዝ. ፻፪

11.

ወይከውን ከመ ዕፅ እንተ ትክልት ኅበ ሙኃዘ ማይ፤
እንተ ትሁብ ፍሬሃ በበጊዜሃ፤
ወቈጽላኒ አይትነገፍ።

መዝ. ፩

12.

ጸድቅሰ ከመ በቀልት ይፈሪ፤
ወይበዝሕ ከመ ዘግባ ዘሊባኖሱ፤
ትኩላን እሙንቱ ውስተ ቤተ እግዚአብሔር።

መዝ. ፺፩

13.

ዓፀደ ወይን አፍለሰከ እምግብጽ፤
ሰደድከ አሕዛብ ወተከልከ ኪያሃ፤
ወጌሕከ ፍኖተ ቅድሜሃ።

መዝ. ፸፱

ዘማርያም

14.

ወትቀውም ንግሥት በየማንከ፤
በአልባሰ ወርቅ ዑጽፍት ወኑብርት፤
ስምዒ ወለትየ ወርእዬ ወአጽምኢ እዝነኪ።

መዝ. ፵፬

15.

መሠረታቲሃ ውስተ አድባር ቅዱሳን፤
ያበድሮን እግዚአብሔር ለአናቅጸ ጽዮን፤
እምኩሉ ተዓይኒሁ ለያዕቆብ።

መዝ. ፹፮

16.

እስመ ኃረያ እግዚአብሔር ለጽዮን፤
ወአብደራ ከመ ትኩኖ ማኅደር፤
ዛቲ ይእቲ ምዕራፍየ ለዓለም።

መዝ. ፻፴፩

17.

እምነ ጽዮን ይብል ሰብእ፤
ወብእሲ ተወልደ በውስቴታ፤
ወውእቲ ልዑል ሣረራ።

መዝ. ፹፮

18.

የፍኒ ረከበት ላቲ ቤተ፤
ወማዕነቅኒ ኅበ ታነብር እጎሊሃ፤
ምሥዋዒከ እግዚአ እግዚአ ኃያላን።

መዝ. ፹፫

19.

እስመ ትቤ ለዓለም አሐንጽ ምሕረተ፤
በሰማይ ፀንዓ ጽድቅከ፤
ኪዳነ ተካየድኩ ምስለ ኅሩያንዩ።

መዝ. ፹፯

20.

ደብረ ጽዮን ዘአፍቀረ፤
ሓነፀ መቅደሶ በኣርያም፤
ወሣረራ ውስተ ምድር ዘለዓለም።

መዝ. ፸፰

21.

ቀደሰ ማኅደሮ ልዑል፤
እግዚአብሔር ውስተ ማእከላ ኢትትሃወክ፤
ወይረድኦ እግዚአብሔር ፍጽመ።

መዝ. ፵፮

22.

ህየንተ አበውኪ ተወልዱ ለኪ ደቂቅ፤
ወትሠይምዮሙ መላእክተ ለኩሉ ምድር፤
ወይዘክሩ ስመኪ በኩሉ ትውልደ ትውልድ።

መዝ. ፵፬

23.

ወለገጽኪ ይትመሃለሉ ኩሎሙ አሕዛብ ብዑላን ምድር፤
ኩሉ ክብራ ለወለተ ንጉሠ ሓሴቦን፤
በዘአዝፋረ ወርቅ ዑፅፍት ወጉብርት።

መዝ. ፵፬

24.

እበውእ ቤተክ ምስለ መባእዩ፤
ወእሁብ ብፅዓትዩ ዘነበብኩ በአፉዩ፤
ዘእቤ በከናፍርዩ ኣመ ምንዳቤዩ።

መዝ. ፰፮

25.

ዘያነብራ ለመካን ውስተ ቤቱ፤
ወያተፌሥሐ ለእመ ውሉድ፤
ዘያነብራ ለመካን ውስተ ቤቱ።

መዝ. ፻፲፪

26.

አዋልደ ንግሥት ለክብርከ።
ወትቀውም ንግሥት በየማንከ።
በአልባሰ ወርቅ ዑጽፍት ወኑብርት።

መዝ. ፵፬

ዘመላእክት

27.

ይትጻዩን መልአከ እግዚአብሔር ዓውደሙ።
ለእለ ይፈርህዎ ወያድኅኖሙ።
ጠግሙ ወታእምሩ ከመ ኄር እግዚአብሔር።

መዝ. ፵፫

28.

በቅድመ መላእክቲክ እዜምር ለከ።
ወእሰግድ ወስተ ጽርሓ መቅደስከ።
ወእገኒ ለሰምከ።

መዝ. ፻፵፯

29.

ባርክዎ ለእግዚአብሔር ከፊልክሙ መላእክቲሁ።
ፅኑዓን ወኃያላን እለ ትገብሩ ቃሎ።
ወእለ ትሰምዑ ቃለ ነገሩ።

መዝ. ፻፪

30.

ዘይሬስዮሙ ለመላእክቲህ መንፈሱ፤
ወለእለ ይትለአክዎ ነደ እሳት፤
ሣረራ ለምድር ወአፅንፍ።

መዝ. ፻፫

31.

ተፅዕነ ላዕለ ኪሩቤል ወሠረረ፤
ወሠረረ በክነፈ ነፋሱ፤
ወረሰዩ ጽልመተ ምሥዋሮ።

መዝ. ፲፯

32.

እስመ ለመላእክቲህ ይኤዝዞሙ በእንቲአከ፤
ከመ ይዕቀቡከ በኩሉ ፍናዊከ፤
ወበእደዊሆሙ ያነሥኡከ።

መዝ. ፯

ዘአስተምህሮ፣ ቅድስት፣ ምኽራብ፣ መጻጉዕ፣ ደብረ ዘይት፣ ስብከት፣
ብርሃን፣ ኖላዊ

33.

ኢትዝክር ለነ አበሳነ ዘትካት፤
ፍጡነ ይርከበነ ሣህልከ እግዚአ፤
እስመ ተመንደብነ ፈድፋደ።

መዝ. ፸፰

34.

ኩሎ ዘፈቀድ ገብረ እግዚአብሔር፤
በሰማይኒ ወበምድርኒ፤
በባሕርኒ ወበኩሎ ቀላያት።

መዝ. ፻፴፬

35.

ቅረቡ ኅቤሁ ወያበርህ ለክሙ፤
ወኢይትገፈር ገጽክሙ፤
ዝንቱ ነዳይ ጸርሐ ወእግዚአብሔር ሰምዖ።

መዝ. ፴፫

36.

ደቂቀ እግለ እመሕያው እስከ ማእዘኑ፤
ለምንት ታፈቅሩ ከንቶ ወተሐሱ ሐሰተ፤
አእምሩ ከመ ተሰብሐ እግዚአብሔር በጸድቁ።

መዝ. ፱

37.

ለነዳያኒሃኒ አጸግቦሙ እክለ፤
ወለካህናቲሃኒ አለብሶሙ ሕይወተ፤
ወጸድቃኒሃኒ ትፍሥሕተ ይትፌሥሑ።

መዝ. ፻፴፩

38.

ፈኑ እዴከ እምኣርያም፤
ኣድጎኒኒ ወባልሐኒ እማይ ብዙሕ፤
ወእምእዴሆሙ ለደቂቀ ነኪር።

መዝ. ፻፵፫

39.

ፊት ብርሃነክ ወጽድቀክ፤
እማንቱ ይምርሓኒ ወይሰዳኒ ደብረ መቅደስክ፤
ወውስተ ኣብያቲክ እግዚአ።

መዝ. ፵፪

40.

ኖላዊሆሙ ለእስራኤል ኣፅምእ፤
ዘይርእዮሙ ከመ ኣባግዓ ዮሴፍ፤
ዘይነብር ላዕለ ኪሩቤል ኣስተርኣዮ።

መዝ. ፸፱

ዘጸድቃን፣ ዘሰማዕታት

41.

ክቡር ሞቱ ለጸድቅ በቅድመ እግዚአብሔር፤
እግዚአ ኣነ ገብርክ፤
ገብርክ ወልደ ኣመትክ።

መዝ. ፻፲፮

42.

ዝክረ ጸድቅ ለዓለም ይሔሉ፤
ወኢይፈርህ እምነገር እኩይ፤
ጥቡዕ ልቡ ለተወክሎ በእግዚአብሔር።

መዝ. ፻፲፩

43.

ይባርኩክ ጸድቃኒክ፤
ሰብሕት ይብሉ ለመንግሥትክ፤
ወይነግሩ ኃይለክ።

መዝ. ፻፵፬

44.

ብዙኅ ሕማሞሙ ለጸድቃን፤
ወእምኩሉ ያድገኖሙ እግዚአብሔር፤
እግዚአብሔር የዓቅብ ኩሎ አዕጅምቲሆሙ።

መዝ. ፴፬

45.

ወሥጋሆሙኒ ለጸድቃኒክ ለአራዊተ ገዳም፤
ወከዓዉ ደሞሙ ከመ ማይ ዓውዳ ለኢየሩሳሌም፤
ወኃጥኡ ዘይቀብሮሙ።

መዝ. ፸፰

46.

ጸርሑ ጸድቃን ወእግዚአብሔር ሰምዖሙ፤
ወእምኩሉ ምንዳቤሆሙ አድኃኖሙ፤
ቅሩብ እግዚአብሔር ለየዋሃነ ልብ።

መዝ. ፴፫

47.

እስመ በእንቲአሁ ይቀትሉን ኩሎ አሚረ፤
ወኮነ ከመ አባግዕ ዘይጠብሑ፤
ንቃሕ እግዚአ ለምንት ትነውም።

መዝ. ፵፫

48.

ወይርአዩ አሕዛብ በቅድመ አዕይንቲን፤
በቀለ ደሞሙ ለአግብርቲክ ዘተክዕወ፤
ይባእ ቅድሚክ ገዳሮሙ ለሙቁሐን።

መዝ. ፸፰

49.

አሕለፍክን ማእከለ እሳት ወማይ፤
ወአውግእክን ውስተ ዕረፍት፤
እበውእ ቤተክ ምስለ መባእዩ።

መዝ. ፰፮

50.

መንከር እግዚአብሔር በላዕለ ቅዱሳኒሁ፤
አምላክ እስራኤል ውእቱ ይሁብ ኃይለ ወጽንዓ ለሕዝቡ፤
ወይትባረክ እግዚአብሔር።

መዝ. ፰፯

ዘነቢያት ወሐዋርያት

51.

ወገሠፀ ነገሥተ በእንቲአሆሙ፤
ወኢትግሥሡ መሲሐንዩ፤
ወኢታሕስሙ ዲበ ነቢያትዩ።

መዝ. ፻፬

52.

ወአልዓልኩ ጎሩይየ እምሕዝብየ፤
ወረከብክዎ ለዳዊት ገብርየ፤
ወቀባእክዎ ቅብዓ ቅዱሳ።

መዝ. ፹፰

53.

አልቦ ነገር ወአልቦ ነቢብ ዘኢተሰምዓ ቃሎም፤
ወስተ ኩሉ ምድር ወፅኦ ነገሮሙ፤
ወእስከ አጽናፈ ዓለም በጽሐ ነቢቦሙ።

መዝ. ፲፰

54.

ወበጎቤየሰ ፈድፋድ ክቡራን አዕርክቲክ እግዚአ፤
ወፈድፋድ ጸንዑ እምቀደምቶሙ፤
እኔልቆሙ እምኖጸ ይበዝኑ።

መዝ. ፻፴፰

ዘሥላሴ

55.

ሣህሉ ለእግዚአብሔር መልኦ ምድረ፤
ወበቃለ እግዚአብሔር ጸንዓ ሰማያት፤
ወእምእስትንፋሰ አፉሁ ኩሉ ኃይሎሙ።

መዝ. ፴፪

56.

ዓቢይ እግዚአብሔር ወዓቢይ ኃይሉ፤
ወአልቦ ጉልቀ ለጥበቢሁ፤
ያነሥአሙ እግዚአብሔር ለየዋሃን።

መዝ. ፻፵፮

57.

ዘሠርዓ ለአብርሃም፤
ወመሐለ ለይስሐቅ፤
ወአቀመ ስምዓ ለያዕቆብ።

መዝ. ፻፬

ዘበዓለ እግዚአብሔር፣ ዘዘበነ ልደት፣ ጥምቀት፣ አስተርጓፊ

58.

ምስሌክ ቀዳማዊ በዕለተ ኃይል፤
በብርሃኖሙ ለቅዱሳን፤
ወለድኩክ እምከርሥ እምቅድመ ኮከበ ጽባሕ።

መዝ. ፻፱

59.

እግዚአብሔር ይቤለኒ ወልድየ አንተ፤
ወአነ የ-ም ወለድኩክ፤
ሰአል እምኔየ እሁብክ አሕዛብ ለርስትከ።

መዝ. ፪

60.

ነገሥተ ተርሴስ ወደሰያት አምኃ ያበውኡ፤
ነገሥተ ሳባ ወዓረብ ጋዳ ያመጽኡ፤
ወይሰግዱ ሎቱ ከሎሙ ነገሥተ ምድር።

መዝ. ፸፩

61.

የሐዩ ወይሁብዎ እምወርቀ ዓረብ፤
ወዘልፈ ይጼልዩ በእንቲኣሁ፤
ወከሎ አሚረ ይድጎርዎ።

መዝ. ፸፩

62.

ወአነሂ በኩርዮ እሬሰዮ፤
ወልዑል ውእቱ እምነገሥተ ምድር፤
ወለዓለም አዓቅብ ሎቱ ሣህልዮ።

መዝ. ፹፰

63.

ናሁ ሰማዕናሁ በኤፍራታ፤
ወረከብናሁ ውስተ አመ ገዳም፤
ንበውእ እንከሰ ውስተ ኣብያቲሁ ለእግዚኣብሔር።

መዝ. ፻፴፩

64.

ርእዩከ ማያት እግዚኣ፤
ርእዩከ ማያት ወፈርሁ፤
ደንገፁ ቀላያተ ማያት ወደምፀ ማያቲሆሙ።

መዝ. ፸፮

65.

ባሕርኒ ርእየት ወገኖቶ፤
ወዮርዳኖስኒ ገብአ ድገሬሁ፤
አድባር አንፈርዓፀ ከመ ሓራጊት።

መዝ. ፻፲፫

66.

እስመ መምህረ ሕግ ይሁብ በረከተ፤
ወየሐውር እምኃይል ውስተ ኃይል፤
ወያስተርኢ አምላክ አማልክት በጽዮን።

መዝ. ፹፫

67.

እግዚአብሔር እግዚእ አስተርአዩ ለነ፤
ግበሩ በዓለ በትፍሥሕት በጎበ እለ ያስተሓምም፤
እስከ አቅርገቲሁ ለም ሥዋዕ።

መዝ. ፻፲፯

68.

በከመ ሰማዕነ ከማሁ ርኢነ፤
በሃገረ እግዚአ ኃያላን በሃገረ አምላክነ፤
እግዚአብሔር ሣረራ ለዓለም።

መዝ. ፵፯

69.

ይትባረክ እግዚአብሔር አምላክ እስራኤል፤
ዘገብረ ዓቢዩ ወመንክረ ባሕተቱ፤
ወይትባረክ ስመ ስብሐቲሁ።

መዝ. ፸፩

70.

እግዚአብሔር ስቡሕ በምክረ ቅዱሳን፤
ዓቢይ ወግሩም ዲበ ከሎሙ እለ ዓውዱ፤
እግዚአ ኣምላክ ኃያላን መኑ ከማከ።

መዝ. ፹፰

71.

አግረረ ለነ ኣሕዛብ ወሕዝበ ታሕተ እገሪነ፤
ወሓረየነ ሎቱ ለርሱቱ፤
ሥኖ ለያዕቆብ ዘአፍቀረ።

መዝ. ፵፮

ዘጸመ ኣርገዓ

72.

ተቀነዩ ለእግዚአብሔር በፍርሃት፤
ወተኃሠዩ ሎቱ በረዓድ፤
ኣጽንዕዎ ለጥበብ ከመ ኢይትመዓዕ እግዚአብሔር።

መዝ. ፪

73.

እግዚአብሔርሰ ሰማያተ ገብረ፤
አሚን ወሠናይት ቅድሜሁ፤
ቅድሳት ወዕበዩ ስብሓት ውስተ መቅደሱ።

መዝ. ፺፭

74.

እስመ ቅንኣተ ቤትከ በልዓኒ፤
ትዕይርቶሙ ለእለ ይትዔየሩከ ወድቀ ላዕሌየ፤
ወቀጸዕከዋ በጸም ለነፍሱየ።

መዝ. ፳፰

75.

እግዚአብሔር ይረድኦ ውስተ ዓራተ ሕማሙ፤
ወይመይጥ ሎቱ ከሎ ምስካቢሁ እምደዌሁ፤
አንሰ እቤ እግዚአ ተሣሃለኒ።

መዝ. ፵

76.

ተሣሃለኒ እግዚአ እስመ ድወይ አነ፤
ወፈወሰኒ እስመ ተሃውካ አዕፅምትየ፤
ነፍሱየኒ ተሃውከት ፈድፋድ።

መዝ. ፺

77.

እግዚአብሔርሰ ገሃደ ይመጽእ፤
ወአምላክነሂ ኢያረምም፤
እሳት ይነድድ ቅድሜሁ።

መዝ. ፵፱

78.

ከመ እንግር ፈቃደክ መከርኩ አምላኪየ፤
ወሕግከኒ በማእከለ ከርሥየ፤
ዜኖኩ ጽድቀክ በማኅበር ዓቢይ።

መዝ. ፴፱

79.

ሐወጽከኒ ሌሊተ ወፈተንኮ ለልብዩ፤
አመከርከኒ ወኢተረክበ ዓመፃ በላዕሌዩ፤
ከመ ኢይንብብ አፉዩ ግብረ እንለ እመሕያው።

መዝ. ፲፮

80.

ንፍሐ ቀርኝ በዕለተ ሠርቅ፤
በእምርት ዕለት በዓልነ፤
እስመ ሥርዓቱ ለእስራኤል ውእቱ።

መዝ. ፹

81.

ቡሩክ ዘይመጽእ በስመ እግዚአብሔር፤
ባረክናከሙ እምቤተ እግዚአብሔር፤
እግዚአብሔር እግዚእ አስተርአዩ ለነ።

መዝ. ፻፲፯

82.

እምአፈ ደቂቅ ወሕፃናት አስተዳሎክ ስብሐተ፤
በእንተ ጸላኢ፤
ከም ትንሥቶ ለጸላኢ ወለገፋዒ።

መዝ. ፰

83.

እምሥራቀ ፀሐይ እስከነ ዓረብ፤
ወእምጽዮን ሥነ ስብሐተሁ፤
እግዚአብሔርሰ ገዢ ይመጽእ።

መዝ. ፵፱

84.

ትሴብሐ ኢየሩሳሌም ለእግዚአብሔር፤
ወሰብሐዮ ለአምላክኪ ጽዮን፤
እስመ አፅንዓ መናሥግተ ጥጋትኪ።

መዝ. ፻፵፯

85.

ተፈሣሕኩ እስመ ይቤሉኒ ቤተ እግዚአብሔር ነሐውር፤
ወቆማ እገሪነ ውስተ አዕፃድኪ ኢየሩሳሌም፤
ኢየሩሳሌምሰ ሕንፅት ከመ ሃገር።

መዝ. ፻፳፩

86.

ትነዝሃኒ በአዛብ ወእነጽሕ፤
ተሐጽበኒ እምበረድ ወእጸዓዱ፤
ታሰምዓኒ ትፍሥሕተ ወጋሴተ።

መዝ. ፶

87.

ወሠራዕከ ማእደ በቅድሚያ፤
በአንጸሪሆሙ ለእለ ይሣቅዩኒ፤
ወአጽሐድከ በቅብዕ ርእሰየ።

መዝ. ፳፪

ዘበነ ትንሣኤ

88.

ወተንሥኣ እግዚአብሔር ከመ ዘንቃሕ እምንዋም፤
ወከመ ኃያል ወጎዳገ ወይን፤
ወቀተለ ፀሮ በድጎሬሁ።

መዝ. ፸፯

89.

ዛቲ ዕለት እንተ ገብረ እግዚአብሔር፤
ንትፈሣሕ ወንትኃሠይ ባቲ፤
ኦ እግዚአ ኣድሕንሶ።

መዝ. ፻፲፯

90.

ይእዜ እትነሣእ ይቤ እግዚአብሔር፤
እሬሲ መድኃኒተ ወአግሀድ ቦቲ፤
ቃለ እግዚአብሔር ቃል ንጹሕ።

መዝ. ፲፩

91.

አንሰ ሰከብኩ ወኖምኩ፤
ወተንሣእኩ እስመ እግዚአብሔር አንሥኣኒ፤
ኢይፈርህ እምኣእላፍ ኣሕዛብ።

መዝ. ፫

92.

እምሥራቀ ፀሓይ እስከነ ዓረብ፤
ይትኣኩት ስሙ ለእግዚአብሔር፤
ልዑል እግዚአብሔር መልዕልተ ኩሉ ኣሕዛብ።

መዝ. ፻፲፪

93.

ይትነሣእ እግዚአብሔር ወይዘረወ ፀሩ፤
ወይጉየዩ ጸላእቱ እምቅድመ ገጹ፤
ከመ የሓልቅ ጢስ ከማሁ የሓልቁ።

መዝ. ፳፯

94.

እስመ ሰበረ ኅጋት ብርት፤
ወቀጥቀተ መና ሥግተ ዘሓጺን፤
ወተወክፎሙ እምፍናተ ጌጋዮሙ።

መዝ. ፻፮

95.

ወኣውጽኣሙ እምጽልመት ወጽላሎተ ሞት፤
ወሰበረ መዋቅሕቲሆሙ፤
ንግሩ ለእግዚአብሔር ምሕረቶ።

መዝ. ፻፮

96.

በልዑ ወጸግቡ ጥቀ፤
ወወሃቦሙ ለፍትወቶሞ፤
ወኢያጎጥኣሙ እምዘፈቀዱ።

መዝ. ፸፯

ዘበነ ዕርገት፡ በዓለ መንፈስ ቅዱስ

97.

ዓርገ እግዚአብሔር በይባቤ፤
ወእግዚእነ በቃለ ቀርጉ፤
ዘምሩ ለአምላክነ ዘምሩ።

መዝ. ፵፮

98.

ዓረገ ውስተ ኣርያም ዪዊወከ ዪዋ፤
ወወሃብከ ጸጋከ ለእጻለ እመሕያው፤
እስመ ይክሕዱ ከመ ይሕድሩ።

መዝ. ፳፯

99.

ነገሥተ ምድር ሰብሕዎ ለእግዚአብሔር፤
ወዘምሩ ለአምላክነ፤
ዘምሩ ለእግዚአብሔር ዘዓርገ ውስተ ሰማይ።

መዝ. ፳፯

100.

ዘምሩ ለእግዚአብሔር ዘዓርገ ውስተ ሰማይ፤
ሰማይ ዘመንገለ ጽባሕ፤
ናሁ ይሁብ ቃሎ ቃለ ኃይል።

መዝ. ፳፯

101.

ወመንፈሰከ ቅዱሰ ኢታውጽእ እምላዕሌየ፤
ዕሥየኒ ፍሥሐ ወአድኅኖተከ፤
ወበመንፈሰ አዚዝ አጽንዓኒ።

መዝ. ፶

102.

ልበ ንጹሐ ፍጥር ሊተ እግዚአ፤
መንፈሰ ርቱዓ ሓድስ ውስተ ከርሥየ፤
ኢትግድፈኒ እምቅድመ ገጽከ።

መዝ. ፶

103.

አንተሰ እግዚአ መሐሪ ወመስተሣህል፤
ርሐቀ መዓት ወብዙኃ ምሕረት ወጸድቅ፤
ነጽር ላዕሌየ ወተሣሃለኒ።

መዝ. ፹፮

ጥምቀት ዘሕፃናት

104.

ብፁዓን እለ ተሓድገ ሎሙ ሓጢአቶሙ፤
ወእለ ኢሓሰበ ሎሙ ከሎ ንጋዮሙ፤
ብፁዕ ብእሲ ዘኢኾለቄ ሎቱ እግዚአብሔር ኃጢአቶ።

መዝ. ፵፩

105.

ነገረ ቃልከ ያበርህ ወያጠብብ ሕፃናት፤
አፉዩ ከሠትኩ ወንፍስዩ አናገኩ፤
እስመ ትእዛዘክ አፍቀርኩ።

መዝ. ፻፲፰

ዘበነ ክረምት

106.

ዘይገለብሮ ለሰማይ በደመና፤
ወያስተዴሉ ክረምተ ለምድር፤
ዘያበቀሌ ሣዕረ ውስተ አድባር።

መዝ. ፻፶፮

107.

አርወዮ ለትለሚሃ፤
ወአሥምሮ ለማእረራ፤
ወበነጠብጣብክ ትበቀሌ ተፈሢሐ።

መዝ. ፳፬

108.

ሐወጽካ ለምድር ወአርወይካ፤
ወአብዛገኩ ለብዕላ፤
ፈለገ እግዚአብሔር ምሉእ ማያተ።

መዝ. ፳፬

109.

ዘያበቀሩል ሣዕረ ለእንስሳ፤
ወሐመልማለ ለቅኔ እንለ እመሕያው፤
ከመ ያውፅእ እክለ እምድር።

መዝ. ፻፫

110.

ያዓርግ ደመናተ እምአጽናፈ ምድር፤
ወገብረ መብረቀ ለጊዜ ዝናም፤
ዘያወፅአሙ ለነፋሳት እመዛግብቲሆሙ።

መዝ. ፻፴፬

111.

ቃለ ወሃቡ ደመናት አሕፃከ ይወጽኡ፤
ቃለ ነጎድንድከ በሠረገላት፤
አስተርአዩ መባርቅቲሁ ለዓለም።

መዝ. ፫፮

112.

ዘይሁብ ሲሳዩ ለኩሉ ዘሥጋ፤
እስመ ለዓለም ምሕረቱ፤
ግንዩ ለአምላክ ሰማይ።

መዝ. ፻፴፮

113.

ዓይነ ኩሉ ነፍስ ይሴፎ ኪያከ፤
አንተ ትሁቦሙ ሲሳዩሙ በጊዜሁ፤
ትሰፍሕ የማነከ ወታጸግብ ለኩሉ እንስሳ ዘበሥርዓትከ።

መዝ. ፻፵፬

114.
እስመ ኃቤክ እጼሊ እግዚአ፡
በጽባሕ ስምዓነ ቃልዩ፡
በጽባሕ እቀውም ቅድሚክ ወአስተርኢ ለከ።
መዝ. ፮

115.
ስምዓነ አምላክነ ወመድኃኒነ፡
ተስፋሆሙ ለኩሎሙ አጽናፈ ምድር፡
ወለእለሂ ውስተ ባሕር ርሐቅ።
መዝ. ፳፬

116.
ደብር ርጉዕ ወደብር ጥሉል፡
ለምንት ይትነሥኡ አድባር ርጉዓን፡
ደብር ዘሠምሮ እግዚአብሔር የሓድር ውስቴቱ።
መዝ. ፳፯

117.
ታቦር ወአርሞንኤም በስመ ዚአክ ይትፌሥሐ፡
ወይሴብሐ ለስምከ፡
መዝራዕትከ ምስለ ኃይል።
መዝ. ፹፰

118.
ካህናቲክ ይለብሱ ጽድቀ፡
ወጸድ ቃኒክ ትፍሥሕተ ይትፌሥሐ፡
በእንተ ዳዊት ገብርከ።
መዝ. ፻፴፩

119.

ተዘከር ማኅበረከ ዘአቅደምከ ፈጠረ፤
ወአድኃንከ በትረ ርስትከ፤
ደብረ ጽዮን ዘሓደርከ ውስቴታ።

መዝ. ፸፫

120.

ቀዳሚሃ ለጥበብ ፈሪሃ እግዚአብሔር፤
ምክር ሠናይት ለኩሉ ዘይገብራ፤
ወስብሐቲሁኒ ይነብር ለዓለም።

መዝ. ፻፲

121.

ናሁ ሠናይ ወናሁ አዳም፤
ሶበ ይሄልዉ አኃው ኅቡረ፤
ከመ ዕፍረት ዘይውኅዝ እምርእሱ እስከ ጽሕሙ።

መዝ. ፻፴፪

122.

መሐለ እግዚአብሔር ወኢይኔስሕ፤
አንተ ካህኑ ለዓለም በከመ ሢመቱ ለመልክ ጼዴቅ፤
እግዚአብሔር በየማንከ።

መዝ. ፻፴

ዘሰዓታት

123.

አሜሃ መልአ ፍሥሐ አፋነ፤
ወተኃሥዩ ልሳንነ፤
አሜሃ ይቤሉ አሕዛብ።
መዝ. ፻፳፮

124.

መንፈቀ ሌሊት እትነሣእ፤
ከመ እግንይ ለከ በእንተ ዙንኔ ጽድቅከ፤
ከማሆሙ አነ ለኩሎሙ እለ ይፈርሁከ።

መዝ. ፻፲፰

125.

ወዘሕጎ ያነብብ መዓልተ ወሌሊተ፤
ወይከውን ከመ ዕፅ እንተ ትክልት ኅብ ሙኃዘ ማይ፤
እንተ ትሁብ ፍሬሃ በባሊዜሃ።
መዝ. ፩

126.

እስመ ጽልመትኒ ኢይጸልም በኃቤከ፤
ወሌሊትኒ ብሩህ ከመ መዓልት፤
በአምጣኑ ጽልመታ ከማሁ ብርሃና።
መዝ. ፻፴፰

127.

ሌሊተ ተዛዋዕኩ ምስለ ልብዩ ወአንቃሕክዋ ለነፍሱዩ፤
ቦኑ ለዓለም ይገድፍ እግዚአብሔር፤
ወኢይደግምኑ እንከ ተሣህሎ።

መዝ. ፸፮

128.

ተዘከርኩ በሌሊት ስመከ እግዚአ፤
ወዓቀብኩ ሕገከ፤
ወይእቲ ኮነተኒ።

መዝ. ፻፲፰

129.

በሌሊት አንሥኡ እደዊክሙ በቤተ መቅደሱ፤
ወባርክዎ ለእግዚአብሔር፤
ይባርክ እግዚአብሔር እምጽዮን።

መዝ. ፻፴፫

ናይ ቀብሪ ጸሎተ ናትሓት

130.

ብፁዕ ዘኃረይኮ ወዘተወከፍኮ፤
ወዘአጎደርኮ ውስተ አዕፃዲኮ፤
ጸገብኑ እግዚአ እምበረከተ ቤትከ።

መዝ. ፰፬

131.

ኣርጎዉ ሊተ ኣናቅጸ ጽድቅ፣
እባእ ውሰቴቶን ወእግነይ ለእግዚአብሔር፣
ዛ ኣንቀጽ እንተ እግዚአብሔር።

መዝ. ፻፲፯

ዕዝሊ

132.

ኣኃዘኒ ፃዕረ ሞት፣
ወውኒዘ ዓመፃ ሆከኒ፣
ወዓገተኒ ፃዕረ ሲኦል።

መዝ. ፲፯

133.

ወመጽኣኒ ድንጋፂ ሞት፣
ፍርሃት ወረዓድ ኣኃዘኒ፣
ወደፈኒኒ ጽልመት።

መዝ. ፶፬

134.

ወኣፅምኣ እዝኖ ኃቤዮ፣
ወጸዋዕክዎ በመዋዕልዮ፣
ኣኣዘኒ ፃዕረ ሞት።

መዝ. ፻፲፬

135.

ወየብሰ ከመ ገልፅ ኃይልየ፤
ወጠግኦ ልሳንየ በጉርዔየ፤
ወአውረድከኒ ውስተ መሬተ ሞት።

መዝ. ፳፩

136.

እስመ ፈላሲ አነ ውስተ ምድር፤
ወነግድ ከመ ኩሉ አበውየ፤
ስሕተኒ ከመ አዕርፍ።

መዝ. ፴፰

137.

ወመዋዕልየኒ ከመ ጽላሎት ሓለፈ፤
ወአነሂ ከመ ሣዕር የበሰኩ፤
አንተሰ እግዚአ ለዓለም ትነብር።

መዝ. ፻፩

138.

ወአንበሩኒ ውስተ አዘቅት ታሕተ፤
ውስተ ጽልመት ወጽላሎተ ሞት፤
ላዕሌየ ፀንፃ መግትከ።

መዝ. ፹፯

139.

ግብኢ ነፍሰየ ውስተ ዕረፍትኪ፤
እስመ እግዚአብሔር ረዳእኪ፤
እስመ አድኃኛ ለነፍሰየ እሞት።

መዝ. ፻፲፬

140.

ተዘከር እግዚአ ከመ መሬት ንሕኑ፤
ሰብእሰ ከመ ሣዕር መዋእሊሁ፤
ወከመ ጽጌ ገዳም ከማሁ ይፈሪ።

መዝ. ፻፪

141.

ቦኑ ለከንቱ ፈጠርኮ ለኩሉ እንለ እመሕያው፤
መኑ ሰብእ ዘየሓዩ ወኢይሬእያ ለሞት፤
ወመኑ ዘያድኅና ለነፍሱ እምእደ ሲኦል።

መዝ. ፹፰